

中華郵政總局特准掛號認爲新聞紙類

中華民國六年九月十一日出版

京兆公報

第八期 星期二

本報招登廣告價目表

(刊資先繳長期另議)

每	頁	頁	頁
期	八	五	三
元	元	元	元
每	半	四	分
期	頁	之	一

● 意 注 ●

如郵匯不通之處可用郵票代價(以
 三分之郵票為限)惟郵票以九折計
 算

京兆公報第八期目錄

命令

大總統令

內務部令

本公署令

法規

中央法規

京師河道管理處規程

京師河道管理處辦事規則

地方法規

京兆劃分縣地方歲入歲出所屬會計年度簡章

公牘

各部公牘

教育總長范源廉呈

內務總長湯化龍呈

內務總長湯化龍呈

大總統請獎給知事翁之銓等四員金質棠蔭章文

大總統永定河北三工決口疏防人員遵令核議處分請鑒核文

目錄

財政部總務廳函本公署總務科涿縣需用購米護照張數請開單見示並護照應需印花稅費數目文

本公署公牘

呈 大總統京兆各縣災情奇重懇續撥賑欸文

咨呈財政部賑濟涿縣水災米糧仍請一律豁免稅釐文

訓令涿縣知事准財政部咨覆該縣紳商赴張家口採買賑荒米糧請發免稅護照業已准行仰將購買糧食

石數共應填護照若干張迅速呈報以憑咨領文

訓令二十縣知事訂定京兆劃分縣地方歲入歲出所屬會計年度簡章令發遵辦文

指令視學員劉繼勳呈霸縣通縣固安等三縣知事辦學認真成績昭著請從優獎叙文(附原呈)

批傅奎剛等呈為創設通俗教育實進會呈送簡章懇准立案文

批房山縣區董王進義等呈懇俯順輿情准予張縣長留任文

批昌平縣民人賈得龍呈為李永金垂涎商等所辦砂石公司縣長違法坑陷商民請令縣查復文

京兆財政廳公牘

京兆財政廳呈京兆尹為財用竭蹶請厲行減政以濟眉急文

京兆財政廳訓令 昌平 縣知事 房山 鑛稅局令遵照部令認真稽查礦稅並照抄礦業簿送核文

密雲

京兆財政廳批存滙泉等呈牙商壟斷市面懇請維持以免賠累而恤商艱文

京兆財政廳批房山縣斗紀蔡建春稟瀝陳下情乞恩派委逐條查辦以杜攪擾而資整頓文

京兆印花稅分處公牘

京兆印花稅分處訓令 大興三河宛平涿縣寶坻良鄉房山霸縣固安密雲永清安次 等十二縣知事尅日呈送印花稅勸導員履歷文

京兆清查官產處公牘

京兆清查官產處公函懷柔薊縣香河三縣知事迅將綳貝子府地畝補契查驗呈送文

京兆清查官產處訓令十九縣清查官產分處製定各縣征解清查案內第一屆新升科糧表令即尅期填送

文(附表式)

報告

視學員張鶴浦調查昌平縣學務報告書(續第七期)

要電

大義國大君主來電

大總統覆電

本公署致各省乞賑電

奉天張督軍來電

江蘇李督軍
齊省長來電

安徽倪督軍來電

浙江楊督軍來電
齊省長來電

吉林孟督軍來電
郭省長來電

朝陽殷鎮守使來電

陝西陳督軍來電

江蘇李督軍來電

湖北王督軍來電

綏遠申護都統來電

熱河姜都統來電

山東張督軍來電

江西戚省長來電

上海紅十字會來電

新疆楊督軍來電

福建李督軍來電

◎ 命 令 ◎

大總統令 八月二十五日

任命夏壽康兼任司法官懲戒委員會委員長此令

大總統令 八月二十五日

任命劉道鏗爲內務部司長劉景烈署司長此令

大總統令 八月二十七日

本年夏秋之交霖雨兼旬直奉等省同時被災人民蕩折離居深用軫惻迭據直隸省長曹錕奉天省長張作霖湖南省省長譚延闓河南省省長田文烈熱河都統姜桂題先後電陳災狀籲懇賑卹自應酌量災區廣狹分別撥款賑撫著財政部迅撥直隸奉天河南各銀二萬圓湖南銀五萬圓熱河銀一萬圓交各該省長都統核實散放以惠災黎此令

大總統令 八月二十七日

任命吳炳湘兼會辦京都市政事宜此令

大總統令 八月二十八日

派李長泰督辦京畿八旗官產清理事宜此令

大總統令 八月二十八日

命令

命令

二

京兆尹王蓮呈稱京兆各縣災區極廣奉發賑銀五萬圓不敷救濟懇再飭續撥鉅款等語著財政部迅再撥銀三萬圓發交該京兆尹核實散放以甦災黎此令

大總統令 八月二十九日

調任馮國勳爲江海關監督此令

大總統令 八月二十九日

任命曹豫謙爲金陵關監督此令

大總統令 八月二十九日

財政總長梁啟超呈杭州關監督程恩培應請免職另候任用程恩培准免本職此令

大總統令 八月二十九日

任命沈爾昌爲杭州關監督此令

大總統令 八月二十九日

財政總長梁啟超呈潼關監督袁世範離任日久應請免職袁世範准免本職此令

大總統令 八月二十九日

任命文蘇爲潼關監督此令

大總統令 八月二十九日

署廣西省長劉承恩電呈政務廳廳長何廷俊因病懇請辭職何廷俊准免本職此令

大總統令 八月二十九日

任命張鼎暫行代理廣西政務廳廳長此令

大總統令 八月三十日

任命張錫元爲陸軍第四混成旅旅長此令

大總統令 八月三十一日

廣東督軍兼署省長陳炳焜請辭兼職陳炳焜准免兼職此令

大總統令 八月三十一日

特任李耀漢署廣東省長此令

大總統令 八月三十一日

都護副使烏里雅蘇台佐理員范其光著仍回外交部特派黑龍江交涉員原任此令

大總統令 八月三十一日

任命恩華爲都護副使充烏里雅蘇台佐理員此令

大總統指令第一千三百二十九號 八月二十七日

令內務總長湯化龍

命令

命令

四

呈永定河北三工決口疏防人員遵令核議處分請鑒由

呈悉永定河防局局長趙雲書著褫職留任管河縣佑劉宗書著褫職留工效力前經因案褫職留任之北岸河防理事陶文灝著仍留工效力即由該部轉行遵照比令

內務部令第一百三十一號 八月二十五日

茲訂定京師河道管理處規程公布之此令(規程載本期法規門)

內務部令第一百三十二號 八月二十五日

茲訂定京師河道管理處辦事規則公布之此令(規則載本期法規門)

本公署令第二十三號 八月三十日

派顧繼兼充公報處編纂員此令

本公署令第二十四號 八月三十日

茲訂定京兆劃分縣地方歲入歲出所屬會計年度簡章公布之此令(簡章載本期法規門)

◎ 法 規 ◎

◎ 中央法規 ◎

京師河道管理處規程

第一條 京師河道管理處掌事務如左

一關於京師沿河池塘潭淀溝泡等儲蓄及宣洩事項 二關於京師河道及沿岸管理事項 三關於京師河道開門啟閉事項 四關於京師河道沿河用水各業戶取締事項

第二條 京師河道管理處置職員如左

一處長 二稽查主任 三稽查員 四管閘委員 五閘官

第三條 處長一人由內務總長派充綜理河道管理處事務

第四條 稽查主任一人稽查員二人由處長呈請內務總長選派掌關於河道之稽查及履勘事項

第五條 管閘委員由步軍統領衙門京兆尹公署京師警察廳分別揀派管理京師河道上下游各閘宣洩

事務但須陳報內務總長核准

第六條 閘官由處長委任管理各閘啟閉及巡邏事項但須呈報內務總長備案

第七條 京師河道管理處得酌設管閘派出所但須呈報內務總長核准

第八條 各管閘派出所額設閘目一名由各該管閘委員遴請京師河道管理處派充

法規

五

法規

六

第九條 關於河道整理事項除由管理處隨時自行揭示外得呈由內務部轉行京兆尹警察廳或步軍統領衙門於各該地方出示曉諭

第十條 京師河道管理處爲繕寫文件及其他庶務得酌用僱員但須呈報內務總長僱員員額至多不得逾六名

第十一條 京師河道管理處辦事規則另定之

第十二條 本規程自公布日施行

京師河道管理處辦事規則

第一條 京師河道管理處範圍如左

一 城外河道 二 城內河道

第二條 內外河道各置稽查員一人分擔稽查事務遇有必要情形得隨時報告處長覆核轉呈辦理

第三條 內外城河道應於每星期稽查一次如認爲緊要時應隨時履勘不拘時限

第四條 稽查員於每次稽查後應出具報告書報告處長

第五條 各關派出所應辦事項由關官監督之隨時呈報處長

第六條 本規則自公布日施行

◎ 地 方 法 規 ◎

京兆劃分縣地方歲入歲出所屬會計年度簡章

第一條 歲人所屬年度如左

一 定期收入屬於該期末日之年度但征收隨糧帶征暫以當年之下忙及其翌年之上忙合一會計年度
其有因事緩征者應屬於追征日之年度

(說明) 定期收入指按季按月按期所收款項而言末日即該季該月該期之終了日

二 隨時收入屬於收款日之年度

第二條 歲出所屬年度如左

一 各機關經常費屬於預算所定之年度其臨時費屬於事實發生時之年度

二 營業機關經費以地方無特別會計與上條辦法同

三 工程經費以地方無繼續費預算各以其發出部分分別屬於發款日之年度

四 償還借款屬於契約所訂定發款日之年度

第三條 各年度各項經費有完全未經動用除呈准流用者外又各機關經費全年計算有盈餘時除呈准轉入該機關次年度使用者外以及預備費除呈准動用者外有剩餘時均應分別加入次年度歲入

(說明) 所謂加入次年度歲入應歸次年決算案內辦理

法規

第四條 各年度所屬歲入歲出其出納截止之期以翌年八月末日爲限

第五條 本簡章自發佈日施行如有未盡之處得隨時修正之

● 公 牘 ●

● 各部公牘 ●

教育總長范源廉
內務總長湯化龍

呈大總統請獎給知事翁之銓等四員金質棠蔭章文

八月十八日

爲知事辦學成績昭著會請獎給金質棠蔭章以昭激勸事竊本部准京兆尹咨開京兆香河縣知事翁之銓辦理學務異常出力該縣國民學校由十四處推廣至五十五處學生由三百餘人增至一千六百六十餘人積極進行成效卓著復准甘肅省長咨開甘肅鎮番縣知事周樹清履任以來高等小學及國民學校由八處增加至三十二處學生由四百餘人增至千餘人古浪縣知事詹澤霖銳意興學對於已設學校力求改良對於未設學校地點多方籌設現在該縣城內高等小學學生已達七十餘名第一第二國民學校學生已達百五十餘名四鄉國民學校亦增至十七處之多張掖縣知事高鏡寰到任以後首重興學創辦師範講習所一處推廣國民學校五處新收學生二百餘名舊有國民學校學生增加二百餘名城內高等小學學生增加四倍以上三員均在任將滿一年請酌給獎勵以資鼓舞等因先後到部查香河縣知事翁之銓等四員於教育行政竭力進行自屬循良之選甘省地處邊陲情形尤爲特別擬並援照知事辦學考成條例第三條第四項之規定獎給金質棠蔭章以昭激勸是否有當理合呈請鑒核訓示施行再此次具呈係教育部主稿會同內務部辦理合併陳明謹呈六年八月十八日奉
大總統令呈悉准給予獎章此令

公牘

內務總長湯化龍呈 大總統永定河北三工決口疏防人員遵令核議處分請鑿核

文

爲遵 令核議處分永定河北三工決口疏防人員呈請鑿核事竊奉 大總統令開京兆尹王達呈稱大雨兼旬永定河及各縣河流同時漫決平地水深數尺至數丈不等漂沒村莊倒塌房屋幾難數計人民蕩析流離災情慘重爲數十年所罕見請將疏防各員議處並特派大員督理工事被災各處已經派員攜款馳往散放急賑懇飭撥款賑撫等語披覽之餘殊深憫惻着財政部迅即撥銀五萬元交該京兆尹妥速賑撫毋任失所其在事疏防之永定河防局長趙書雲永定河北岸河防理事陶文灑管河縣佐劉宗書着交內務部議處京兆尹王達兼管河道督率無方亦難辭咎並着交付文官高等懲戒委員會依法懲戒所有漫口堵築各工仍飭該京兆尹督飭在事各員暨各該地方官趕緊築護毋稍懈弛以澹沈災而奠民生此令等因奉此遵查上年永定河北六工決口舊案曾經本部參照舊例將在工疏防人員分別呈請處分在案本屆該河北三工漫決成災雖據聲稱大雨兼旬各合同時漫決爲數十年所罕見但該局長等職掌修防搶護疏虞實難辭咎擬請援案將永定河防局局長趙書雲予以褫職留任處分管河縣佐劉宗書予以褫職留工効力處分其北岸河防理事陶文灑一員上年於北河六工決口案內曾受褫職留任處分未經開復擬請予以褫職留工効力處分以觀後效至漫口堵築各工暨被災地方除由部令行京兆尹揀派熟悉河工人員從速勘估籌辦一面督飭查放急賑俾卹災黎外所有遵核永定河北三工疏防人員處分各緣由是否有當理合呈請大總統鑒核指令施行謹呈

財政部總務廳函本公署總務科涿縣需用購米護照張數請開單見示並護照應需印

花稅費數目文 八月二十八日

逕啓者前准貴公署咨稱涿縣大水爲災現經紳商購米賑濟請發給免稅護照等因業經另文咨復照准在案惟此項購米須用護照若干張及應如何分填之處即祈查明開單見示以憑辦理再此項護照每張應需印花稅費一元五角並以奉聞此致

京兆尹公署總務科

財政部總務廳啓

● 本公署公牘 ●

呈 大總統京兆各縣災情奇重懇續撥賑款文 八月二十日

呈爲京兆各縣災情奇重籲懇續撥賑款以資救濟仰祈鈞鑒事竊京兆洪水爲災達前呈各河漫溢大概情形曾經聲明永定河及各河成災詳情分別另文呈報并將永定河漫決請賑詳情呈請

鑒核在案嗣於八月十四日奉

大總統令京兆尹王達呈稱大雨兼旬永定河及各縣河流同時漫決平地水深數尺至數丈不等漂沒村庄倒塌房屋幾難數計人民蕩析流離災情慘重爲數十年所罕見請將疏防各員議處並特派大員督理工事被災各處已經派員携款馳往散放急賑懇飭撥款賑撫等語披覽之餘殊深憫惻着財政部迅即撥銀五萬元交該京兆尹妥速賑撫毋任失所等因伏讀之下感激莫名惟查京兆各縣災情奇重災區極廣迭據涿縣

公牘

十一

公牘

十二

宛平固安永清安次霸縣三河武清寶坻香河平谷薊縣等十二縣知事急遞呈報巨災籲懇急賑統計淹沒村庄達二千五百以上派員分路覆勘屬實並據呈稱被災人民不但秋禾無望且皆蔽體無衣棲息無慮奄奄待盡即如寶坻一縣被淹九百餘村如以一萬元散放急賑每村不及十元實屬棘手等語現蒙

賜發五萬元連同官紳軍界捐助之款除散放急賑外所餘無幾轉瞬冬賑逼臨春撫踵至雖迭經勸募各省呼庚呼癸力竭聲嘶而款項未能即來數目又難預定嗷嗷待哺之災黎則屬刻不容緩達日夕焦思旁皇無策萬不得已惟有仍請我

大總統俯念災廣款微不敷救濟情形令財政部陸續撥發鉅款以濟沈災而蘇民命當此時局艱難庫款支絀原不敢一再請求惟此數十萬生命呼吸存亡有如倒懸之待解達目擊奇災慘酷不能不披瀝上陳爲民請命所爲請續撥賑款緣由理合摘錄各屬呈報情形繕具清摺呈請

大總統鑒核示遵謹呈

大總統

咨呈財政部賑濟涿縣水災米糧仍請一律豁免稅釐文

八月十七日

京兆尹公署爲咨呈事案准大部咨開准咨開據涿縣呈稱本年縣境大水爲災昨經紳商公同提議擬赴張家口一帶採買小米三百噸高糧一百五十噸由火車運送來涿藉資接濟仰懇轉呈財政部發給護照以利進行等情據此理合咨呈鑒核並祈迅將免稅護照尅日填發以憑轉給等因到部查關於購運賑濟米糧免納釐稅辦法前經本部會同內務部稅務處呈准應先查明災情輕重緩急再行分別照徵減免本年五月步

軍統領衙門辦理京師四郊平糶購運米糧復經本部核定所有稅釐照章減半徵收各在案此次涿縣所購賑濟米糧若將沿途稅釐悉數全免殊於稅收有碍惟近畿地方關係重要自應特予變通辦理准其按照京師四郊成案將稅釐減半徵收以期國稅民食雙方兼顧除分令經過各關廳遵照辦理外相應咨復查照飭遵并希派員逕赴本部領取護照可也等因准此查本年涿縣因永定河決口大水為災全縣莊村田廬被水洗剔漂沒幾盡人民露處忍飢慘難言喻與尋常災歉不同現經官紳籌辦急賑此項購買糧食經費無非由勸募而來集腋成裘已有杯水車薪之苦若耗一分關稅即少一分民食現在沿途各關卡徵收減半稅釐為數亦屬無幾且此項賑米悉數為放賑災民之用與四郊平糶仍收回成本者情形實不相同可否仍請大部俯念災民待哺嗷嗷允予照准將此項米糧一律豁免稅釐並迅將護照即日發下俾得早日起運得以濟急並希迅賜見復實為公便為此咨呈

訓令涿縣知事准財政部咨覆該縣紳商赴張家口採買賑荒米糧請發免稅護照業已准行仰將購買糧食石數共應填護照若干張迅速呈報以憑咨領文

八月二十四日

案查前據該縣呈請咨商財政部將賑荒糧食豁免稅釐當經本公署核准轉咨在案茲准復稱准咨稱查本年涿縣因永定河決口大水為災現經官商籌辦急賑購買糧食經費無非由勸募而來若耗一分關稅即少一分民食現在沿途各關卡徵收減半稅釐為數亦復無幾且此項賑米悉數為放賑災民之用與四郊平糶仍收回成本者情形實不相同可否仍請俯念災民待哺嗷嗷允予照准將此項米糧一律豁免稅釐迅將護照即日發下俾得早日起運以濟急需等因查此案前准咨行到部當經援照京師四郊平糶購米成案將此

項賑米稅釐減半徵收以期國稅民食雙方兼顧咨覆查照在案茲准咨稱此項購買糧食經費悉由勸募而來與四郊平糶仍收回成本實不相同且災情甚鉅人民露處忍飢待賑甚急此種情節顯與尋常辦理賑濟情形不同自應特予變通辦理將此項米糧經過沿途稅釐一律豁免以示體恤除分令遵照外相應咨覆查照仍請轉飭派員逕赴本部領取護照等因准此合行令仰該縣迅將此項派員前赴張家口一帶購買糧食石數若干共應填護照若干張迅速呈報以憑咨部領取護照切切毋延此令

訓令二十縣知事訂定京兆劃分縣地方歲入歲出所屬會計年度簡章令發遵辦文

八月三十日

案查各縣地方預算甫行一年現按會計年度五年度業已經過新年度預算漸次成立舊年度決算正在籌備兩年度銜接之中其間各種款目必須確定分明以資結束亟應定一標準為舉辦決算之程式茲訂定京兆劃分縣地方歲入歲出所屬會計年度簡章五條公布施行仰即將該縣各項款目遵照劃分清楚不得含混一時致啟以後糾葛尤望詳細剖晰藉樹將來基礎再地方收支仍沿舊習論時則兩歷互用論數則錢元並行加開更建既不合於時宜京串東錢尤不便於核算自當迅圖改革一律遵用陽歷其所有款目不論名義實際除隨糧帶征另有規定者外並均以銀元為本位俾與地方財政一切最近設施同軌符轍以收整齊劃一之效幸各注意遵辦勿忽此令

(簡章載本期法規門)

指令勸學員劉繼勳呈霸縣通縣固安等三縣知事辦學認真成績昭著請從優獎叙文

八月二十日

呈悉據稱霸縣知事唐肯辦學熱心擬請從優叙獎通縣知事李杜辦學得力固安縣知事徐元善辦學認真

擬請酌給獎勵等情仰候咨部核辦此令

附原呈

呈爲竊縣通縣固安等縣知事辦學認真成績昭著擬請從優叙獎以示鼓勵事竊查竊縣知事唐肯辦學熱心而能力又足以濟之故成績獨優該知事辦學純取中央集權主義統一行政必先謀統一學款故該縣首先試辦隨糧帶征法一時學款增加壹萬五千餘元同時將全縣舊有學款提歸中央由地方會計經理處管理於是規定各校用款以節靡費嚴定教員資格以免濫竽限定學生人數以防敷衍一時學務精神爲之大振一面進謀推廣用化舊爲新主義取締私塾提倡作用國民學校而減少其補助金又嚴令各村長佐每村皆須設立半日學校一處不三月間私塾絕迹學校驟增計國民學校由六十處增至九十餘處學生則由二千人增至三千四百人半日學校成立已達一百二十餘處學生至二千七百餘人以竊縣二百四十餘村論有學校二百一十餘處學生六千餘人雖未至教育普及然已不遠矣該知事注重學務勞績異常洵屬可嘉擬請援照縣知事辦學考成條例從優叙獎以示鼓勵又查通縣知事李杜辦學得力計自民國五年至現在已推廣國民學校一百一十餘處成績昭著該知事辦學取強迫主義而施之和平手段故人民服從而不怨該縣議定每有百戶之村莊皆須成立學校一處居是村者凡有土地三十畝之家所有學童均須納費入學其納費額則比例於財產之多寡而定責成各區董及村長佐遵諭辦理或有不遵則傳案勸導必使樂從而後已故人民敬畏而知勉學校驟增遂由七十餘處增至一百八十餘處其進步之速成功之鉅實有不可及者雖新校規模不盡完善而該知事擴充教育之前功已有不可沒者擬請援照縣知事辦學考成條例酌給

公牘

十五

獎勵又查固安縣知事徐元善辦學認真成績已著自民國五年該知事實行調查公產提作學款計畫借以推廣學校頗著成效計已推廣國民學校二十餘處該知事注重學務自屬可嘉擬請援照縣知事辦學考成條例酌給褒獎以示鼓勵所有霸縣通縣固安等縣知事辦學認真成績昭著擬請分別獎勵緣由理合具文呈請
尹憲察核施行謹呈

批傅奎剛等呈為創設通俗教育寔進會呈送簡章懇准立案文八月二十二日

呈及簡章均悉該學員等擬聯合同志創設通俗教育寔進會以啟迪民智改良會社為宗旨用意良善所擬簡章亦尚妥協應准備案仍仰俟組織成立後另行呈報查核簡章存此令

批房山縣區董王進義等呈懇俯順輿情准予張縣長留任文八月三十日

據呈已悉張知事民情愛戴本公署亦所深知調任武清及委王知事接署房山均係為地擇人起見在該區董等望治心殷富於感情殊堪嘉慰而王知事諳練政事勤恤民穩信其必有以饜該縣人民之望也所請張知事留任之處應毋庸議此批

批昌平縣民人賈得龍等呈為李永金垂涎商等所辦砂石公司縣長違法坑陷商民請

令縣查復文八月三十日

呈悉查此案前據昌平縣呈稱鑛業條例每人領地以五方里以下為限此項地段曾經查勘約在二十六里以外自應分作五股承領方與條例相合擬斷硿堂砂戶舉出代表二人承領二股白廟砂戶亦舉出代表二

人承領二股其餘一股即歸袁茂亭承領均作爲新商名義其奉宸苑每年交差之砂石歸該五家按年分攤至內務府應用既由部給發執照由縣驗明拉運仍俟照章設立新商後另行辦理等情到署當經呈報內務部咨呈農商部核准在案袁茂亭雖已病故而張馨泉既係合股袁茂亭尙有胞弟袁廣業自應繼續有效朱士都反對袁廣業入股舉出之賈得龍等並非舊日砂戶已與原案不符至李永金係屬白網砂石頭目此次朱士都等所舉代表既不列入而于其運辦稻田廠碾米砂石又被賈得龍等從中阻撓亦屬不合復查該縣堂訊時飭令李永金照舊拉運不准賈得龍從中阻撓其應舉新商五名除袁廣業一股外其餘四股即飭李永金另行協同舊日各砂戶公共舉出俾得維持生計免令各砂戶向隅辦理尙與原案相符該商等應與舊代表協商妥協呈請縣公署轉報核奪毋再捏詞越訴致干駁斥此批批文佈告發還候領

● 京兆財政廳公牘 ●

京兆財政廳呈京兆尹爲財用竭蹶請厲行減政以濟眉急文

八月二十日

呈爲財用竭蹶請厲行減政以濟眉急事竊京兆乃貧瘠之區所屬不過二十縣既無省垣又無通商大埠而京師城鄉內外且不在管轄範圍之內歲入所可恃者僅田賦契稅兩項而契稅之中又以京師漢契爲最鉅復自五年分起經部核定劃歸左右翼征收迭次爭持卒未邀准全屬財源益覺狹隘雖於固有及新闢各項賦稅力加整頓收數較諸京直分治之始約增一倍有零無如歲出方面亦復歷屆擴充全年由八十三萬餘元而增至一百二十餘萬元其劃作中央專款者且不在內以致挹彼注茲仍難相抵積年累月愈演愈深近

來河防警備以及各項重要政費未能及期核發者即係歷屆預算歲出超過之最大原因本年先則苦旱春
熟絕望上忙糧租大受影響繼罹兵變近畿各縣首當戰事之衝而距京稍遠者亦多重兵駐守人心惶惑市
面蕭條征收中斷庫儲爲虛正擬設法督催用資接濟詎料兵事方終霽雨復作永北兩河相濟決口被災區
域據報到者已有十六縣之多汪洋遍地迄未稍消嗷嗷待哺相望於道籌畫賑撫猶慮不暇責其輸將安能
辦到近雖由中國銀行墊借十萬元暫救目前之急然杯水車薪轉瞬已空長此以往難乎爲繼 長籌思至
再歲入各款既不能按照計畫積極進行即使此後洪水消退迅速而下忙固有之糧租除照章應予分別緩
免外其剩餘之款及應征各項捐稅爲數自極有限不獨原送六年度歲入預算不能照額征足即欲比照三
年度京直甫經劃分時之歲入成案亦恐不可企及爲今之計惟有歲出各案權衡輕重將不急之務暫予裁
緩一俟財政稍裕再行設法恢復否則機關雖仍林立而經費無所從出亦將等諸虛設 長不敏竊以爲當
此災變紛乘民力疲憊之秋開源已勢成畫餅節流尙可解倒懸我尹長虛懷若谷素以理財愛人兼資爲訓
伏乞垂察地方困難已極力予主持將全屬各機關可以裁併者酌量裁併其應支經費可以減少者酌量減
少勻配雖不必以成案相繩而總額仍擬請以三年度歲出預算爲標準庶開支稍爲撙節而窘迫情形藉可
輕減於萬一即應發各項重要政費或因此亦不致愆期一得之見是否有當理合備文呈請鑒核指令祇遵
寔爲公便謹呈

京兆財政廳訓令 昌平 縣知事 房山 鑛稅局令遵照部令認真稽查礦稅並照鈔鑛業簿送

密雲

核文八月三十日

案奉

財政部第一千五百八十六號訓令內開查鑛商繳納鑛區稅辦法按照鑛業條例所規定係於每年十二月六日將下期六個月之稅預先呈繳惟在此期內各鑛開採畝數有無擴充加多情事自非實地調查難期翔實且查各鑛商每屆繳稅之期所有開採畝數或延不呈報或以多報少尤與稅款關係至鉅本部為整頓稅收起見擬定辦法各鑛區已未開採畝數應由附近各稅局每兩個月切實調查一次倘鑛商呈報不實或並未呈報應即分別處罰按章徵稅至征收鑛產稅一項照條例所定應以礦商所呈之鑛業簿為標準核算稅額唯現在各省鑛業小鑛居多監督方法頗形困難鑛商呈報採賣各數難保無隱匿不實等情弊若不切實稽查則稅款損失必鉅亦應令飭各稅局隨時抽查產額核實征收以杜弊端而裕稅款仰即遵辦此令等因奉此除分行外合亟令知為此仰核縣即便遵照

大部訓令各節認真辦理毋得視為具文以杜弊混而裕稅收並仰按照鑛業條例施行細則第五十條之規定務將本年七月以前六個月鑛商應呈之鑛業簿分別照鈔一份限文到十日內即行送廳以符定章而備查考毋延切切此令

京兆財政廳批存匯泉等呈牙商壟斷市面懇請維持以免賠累而恤商艱文 八月二十五日

公續

十九

公牘

二十

呈悉查此案前奉京兆尹令行查明核辦當以該筐舖均無牙帖接待商販招徠售貨係與牙紀私自交涉官署向不過問具文呈覆一面令行大宛兩縣查明情形核議覆轉在案現尙未據覆到候再令催查覆並由縣逕批該商等遵照可也此批

京兆財政廳批房山縣斗紀蔡建春稟瀝陳下情乞恩派委逐條查辦以杜攪擾而資整

頓文 八月二十五日

稟悉現據房山縣以劉青藜等呈稱該紀近數月來仍按值百抽一之數收用等情轉呈到廳正在核辦間據該紀稟稱前情究竟孰虛孰實應候令縣派員秉公確查具覆再行核明令遵劉青藜等不按四六交納另用字號人斗稅名目究係何故並候令縣查覆至所稱繳款統要現洋一節殊與該縣解廳情形不符亦候嚴令聲明核辦此批告示憑條均存

● 京兆印花稅分處公牘 ●

京兆印花稅分處訓令大興三河宛平涿縣寶坻良鄉房山霸縣固安密雲永清安次等

十二縣知事尅日呈送印花稅勸導員履歷文 八月二十二日

案查各縣印花稅勸導員履歷前於派充案內曾飭呈報復於本年三月十七日令催在案規在又歷數月該縣仍未據復前來殊有不合合再令催仰該知事尅日遵照前令將此項勸導員履歷查明具報以便彙轉勿再延玩是爲至要此令

●京兆清查官產處公牘●

京兆清查官產處公函懷柔薊縣香河三縣知事迅將綱貝子府地畝補契查驗呈送文

八月二十日

逕啟者據綱貝子府留京莊園處黃吉源呈稱本府懷柔薊縣香河三縣地畝補契地冊已於上年十二月暨本年一月先後呈送查驗嗣經節次呈催亦在案何以半年有餘仍未據查驗呈送是否各該地佃不認差查藉詞支吾抑或縣署玩視功令是以不得不再呈貴處代為轉催各該縣迅將本府地畝補契從速查驗呈送以清積案而符優待是為德便等情據此除分函外相應函請查照迅將前發該府契冊查驗送處以憑轉發執業此致

京兆清查官產處訓令十九縣清查官產分處製定各縣征解清查案內第一屆新升科

糧表令即剋期填送文

八月二十七日

案查本年清查案內各該分處解到各款為數寥寥同由變故迭生惟各分處考成攸關財部尹署催款既急即本處經費亦將無着查各縣應征第一屆新糧延欠太多自應詳細調查分別征解以重正賦而顧要需茲製定表式一種除分令遵照查報外合行令仰該分處詳細查明務於五日內依照表式填列送處一面咨會縣公署將已征新糧尅日撥解未征新糧應即體察地方情形從速徵齊源源解處現值上忙截數之期各縣責任所在當能力願考成並即咨會查照辦理可也此令

附表式

公牘

縣 征 解 清 查 案 內 第 一 屆 新 升 科 糧 表

明 說		考 備			地 四 年 應 征 分 糧 投 報 銀 數 黑	地 五 年 應 征 分 糧 投 報 銀 數 黑	地 六 年 應 征 分 糧 投 報 銀 數 黑
考 內 聲 明	查 清 查 定 章 第 一 屆 征 收 糧 銀 應 解 由 本 處 解 部 其 第 二 屆 糧 銀 由 財 政 廳 彙 解 故 表 內 均 列 第 一 年 之 數 其 有 特 別 情 形 者 於 備				已 征 數	已 征 數	已 征 數
					已 解 數	已 解 數	已 解 數
					未 解 數	未 解 數	未 解 數
					民 欠 數	民 欠 數	民 欠 數

◎ 報 告 ◎

調查昌平縣學務報告書 (續第七期)

視 學 員 張 鶴 浦

上坨頭國民學校 教室欠潔尙有操場桌椅位置參差不齊學生三十人分三組教員陳宗清師範畢業時放午學未觀其教授然檢學生用書亦多屬私塾課程

東貫市國民學校 教室狹設備不完學生二十五人多在土炕上坐純乎私塾規模其教授管理不問可知教員王全章師範畢業

奇宅屯國民學校 教室污穢設備雖有講台講桌學生坐位多在炕上不向黑板學生二十九人教員王鼎臣師範畢業時放午學未觀其教授詢其所授功課但講論語弟子規而已

大湯山國民學校 教室二間尙潔設備不全只有講台黑板安置亦不得其所學生二十二人均坐炕上課程只有算術國文教員李景林高小修業甄別合格未及觀其教授

鄭各莊國民學校 教室北房二間光綫尙好惟設置未備學生多坐炕上里板懸炕裏邊山牆上學生三十人教員馬忠雖係師範畢業不知黑板之作用其教授概可想見

白蛇村國民學校 教室北房二間狹而污設備有桌椅黑板無講台課本多係舊書學生十五人教員戈文

純因事回家

公牘

二十四

東營村國民學校 校係新立教室方修理未竣暫借廟中東房爲之學生十人教員陳文因事回家

牛房圈國民學校 校舍西房三間隔斷一間外二間作教室尙潔設備只有黑板懸在北面其下設一榻學生二十五人多坐炕上教員張慶九師範傳習所畢業尙帶髮辮視學到校時該教員橫臥黑板下似睡午覺者及起與談若不知教育爲何物似此腐敗實難勝任

小湯山國民學校 校在穆家外院教室均隔斷故狹窄污暗毫無設備學生二十二人多坐炕上教員張毓祥師範傳習所畢業亦帶辮若不以學校爲然者此等教員實爲教育之障礙物也

高麗營國民學校 至今尙未開學前經勸學所長吳由庚親赴該鎮催促置之不理今視學到校閱其無人塵積滿室知會首事人皆託故不到惟有劉仁山出而支應一味掩飾搪塞聞該校教員張紳自去歲患病即未上課似此校同虛設款盡虛糜該首事劉某猶謂非張紳充當教員學生即不入學查高麗營乃昌平巨鎮何患無學生觀此言恐有朋比把持情事當即函請該縣知事立即撤換教員傳集首事人等嚴加責斥限期開學倘再不辦即查提學款另派學董以改組此校該鎮學校庶不至無形消滅也

(三) 通俗教育

通俗講演 講員八人三人在城內五人過遊各鄉鎮三月三十日下午二時所長范質琛講剪髮之利益講員褚繼賢講西門豹之故事及輕生均能盡職後間演留聲機以助興趣是日聽講者頗不乏人

閱報所 城內二處一設在通俗講演所內有政府公報京兆日報民蘇報國是報愛國報五種一設在中區

警局內有政府公報京兆日報益世報日知報順天時報愛國報五種閱覽者增減無定
學款情形

隨糧帶征由縣公署經理徵收抄產地租亦如之田房地租基金利息果市秤捐果園出產由高小學校經理徵收小豬市由女學校經理青苗捐由鄉學校經理各鄉學校形式之不能改良亦以經費支絀爲一大原因支出尙無浮濫

觀察之所得

該縣學校雖早經成立處數亦多然初立時定多方遷就未盡除私塾性質嗣經時局變遷益群趨於故轍該縣知事及勸學所長擬即力加整頓上屆視學留辦事件如設模範國民學校趕即組織現成立者六處尙有二三處在籌備中惟帶征學款分配不及於鄉學難驟取厲行干涉主義茲經視學擬具條件迭經會商遂召集臨時教育行政會議首提議旗地帶征由各區調查限期呈報頗思振作官與紳及紳與紳之間感情尙洽惟辦事多取緩進主義而地方人民偏重私塾課程積習已深非雷厲風行恐不足以警愚頑而收速效
意見

- (一)總評 學生人數加多校風質樸功課確實是其優點形式腐舊課程不全多近私塾性質是其劣點
- (二)計畫(甲)設置校名牌匾(乙)整理教室(一)有土坑者拆去(二)有隔斷者拆開(三)桌椅排列齊整
- (丙)一律用教科(丁)按定時間授課(戊)取締教員(一)腐敗不堪者立予撤換(二)教法未合而尙堪造就者調入師範講習所肄業(己)勒令學生一律剪髮以上各項開具條件分致縣知事及勸學所長經辨學

報告

二十六

人員會議辦法甲項由勸學所製備發給以昭劃一但代價出自各校丙項由隨糧帶征項下撥款講備發給各校作爲第一步補助丁戊兩項發書後卽施行乙己兩項知事出告諭由勸學員剴切勸導視學之意乙項宜由縣酌助修理費勒令趕辦已項亦可由縣知事強迫也此對於四鄉學校之計畫急宜舉行者若對於城內學校之計師範講習所既遷入第四中學舊址校舍頗多閑曠若將高小校內之國民一級移入此校改作模範歸縣立即爲該所之附屬學校形式內容易致完美亦便講習生之練習高小學校餘出一教室再添招一班高小該縣高小只此一處亦宜設法擴充班級也可否之處呈候
採擇令縣施行

(已完)

● 要 電 ●

大義國大君主來電

大中華民國大總統鑒祈悉

貴國對於德奧宣戰敬伸賀忱此次

貴國參與協約國戰事既爲人民保障自由又爲世界促進文明敵國朝野上下尤深歡欣焉

維克多羅芒呂愛爾

一千九百十七年八月二十四日

大總統復電

大義國大君主陛下接奉來電無任欣慰此次中華民國對於德奧兩國宣戰純爲保護人道維持公法實與協約方面各友邦宗旨相同深望此後協力進行以達戰爭之目的特電答謝

國璋

中華民國六年八月二十六日

致各省乞賑電

急各省督軍省長各鎮守使各區都統上海紅十字總會廣東七十二善堂均鑒京兆於七月十五日後霖雨積旬黃流盛漲永定北運及各縣河流同時漫決致近河十數縣盡成澤國淹斃人口無算幸存者巖棲露宿

要電

二十七

要電

二十八

無食無衣朝不謀夕現雖請款趕放急賑惟災區過廣普及爲難誠恐遷延道殣相望竊思救災卹鄰古有明訓我公痾瘵在抱夙所欽心京兆爲中央根本重地必蒙休戚相關代爲呼籲除捐冊另郵寄外用敢馳電告災爲民請命伏乞仁施立沛救此子遺千萬企禱京兆尹王達號印

奉天張督軍來電

各省督軍省長京兆尹南甯陸巡閱使承德歸化張家口都統龍華甯夏護軍使各鎮守使均鑒本年奉省春夏亢旱高燥之田多未播種迨至七月望日以後霖雨爲災據各屬報告如錦義兩縣之大凌河新民縣之柳河遼源縣之遼河均因雨水過多堤岸潰決附近居民盡成澤國淹斃人畜漂沒房產甚夥他如鐵嶺開原興京西安等十縣亦均遭水患災區既廣飢民衆多現雖電請中央撥帑本省勉辦急賑終屬杯水車薪後難爲繼年內既慮舍衣食之無資春來更牛犍子種之不具奉省處特別區位若不妥籌賑撫將見流離失所不特於地方有碍且恐貽笑外人作霖目擊情形寔深焦灼夙仰我公痾瘵在抱飢溺爲懷敢乞一視同仁解囊相助如果集有成數即祈滙至奉天東三省官銀號代收以便轉發散放俾數十萬哀鴻得慶再生匪特災黎感德即作霖亦拜賜無涯也掬誠待命佇候惠復張作霖篠印

南京李督軍
齊省長來電

北京內務總長京兆尹鑒電悉承示京兆水災自當竭力籌賑惟蘇省連年災歉籌款爲難茲勉籌千元另行滙解特復李純齊耀琳禱印

安徽倪督軍來電

北京王京兆尹鑒號電敬悉京兆爲首善之區近河十數縣慘被水災哀鴻遍野憫惻同深勉竭棉薄捐助洋一千元由蚌中國銀行滙寄至乞查收爲荷倪嗣冲養印

浙江楊督軍來電

北京王京兆尹鑒號電悉畿輔雨水爲災至深軫念前接曹督軍電已滙一千元濟賑俟尊處捐冊寄到仍當續募特復楊杏德齊耀珊養印

吉林孟督軍來電

京兆尹王鑒號電敬悉本年直順旱災荒臻洪水爲災既重且廣民不堪命聞之良深憫惻前奉大總統電示勸募義捐當經遠首自捐廉大洋三千元又由省署及軍界同鄉合捐大洋六千元均已滙交天津曹督軍處收存外現仍廣爲勸募隨時滙解尊處既待賑孔亟應請就近向曹督軍處分潤以惠災黎特覆孟恩遠郭宗熙養印

朝陽殷鎮守使來電

北京王京兆尹鑒號電均悉順直水災深堪繫念前奉大總統曹督軍省議會前後來電已分途募賑俟有成數即行送交並捐廉伍百元以竭微忱茲奉電提倡尤感惠濟災黎造福桑梓除趕緊勸募外謹電復殷軍叩

養

要電

三十

陝西陳督軍來電

北京京兆尹鑒號電悉昨准曹督軍庚電已先兌四千元俟募續匯陳樹藩漾印

南京李督軍來電

北京王京兆尹號電敬悉近畿一帶洪水爲災哀鴻遍野慘不忍聞純前曾助洋三千元以資賑濟此次執事發起釀資爲民請命義聲仁聞欽感莫名除俟捐冊寄到當力爲化募以拯災黎而襄善舉外特先電復李純漾印

湖北王督軍來電

王京兆尹鑒敬讀號電藉悉京兆水災情形至爲悽惻鄂省本遭夏季雷雨爲災加以川湘及襄河大水同時暴發以致各縣堤岸多被冲毀報災文電絡繹而來自愧無術撫綏觀此災黎寔深愧疚現雖籌募捐賑恐普及尙在爲難萬一力量稍充亦可酌量分潤但敝省災情過廣此時寔難敢遽爲承諾也謹復占元漾

綏遠申護都統來電

內務部王京兆尹鑒號兩電敬悉京兆水災待賑甚急前奉大部諫電業經捐助五百元電復即寄一面已分投勸募俟集成數再行滙奉申保亨漾

熱河姜都統來電

各省督軍省長歸化張家口都統北京京兆尹南甯巡閱使上海甯夏護軍使均鑒熱區本年春夏亢旱自七月下旬淫雨連綿河水漲發隄岸潰決迭據各屬報告灾情爲開魯建平承德平泉隆化赤峯灤平等縣沿河一帶淪爲澤國淹斃人畜冲沒田廬無算灾民雨天路處啼飢之聲相聞菜色鳩形傷心慘自惟是灾廣人衆本區雖勉辦急賑而杯水車薪勢難普濟桂題寢饋不寢焦灼萬狀夙仰諸公痾瘵在抱敢祈解囊分潤扶助顛危如蒙捐助即祈匯至熱河交通銀行代收俾資散放不但灾黎得慶更生桂題亦同深拜賜臨電迫切佇候德音姜桂題漾印

山東張督軍來電

王京兆尹鑒號電敬悉京兆水災籌辦急賑屬在鄰封亟應捐助惟山東兵旱之後霪雨爲災籌款賑撫正在廣呼將伯之際自顧不暇諸乞鑒諒張懷芝敬印

江西臧省長來電

王京兆尹鑒號電敬悉京畿灾侵饑民困苦同深憫惻現已籌洋壹千元匯寄內務指定之豫豐銀行兌收矣特復臧敬印

上海江十字會來電

北京王京兆尹鈞鑒號電敬悉直灾奇重需振孔亟敝會前接曹督軍來電業在設法籌募矣特此電復祈察照爲叩沈教和有

新疆楊督軍來電

北京內務總長京兆尹鑒電示敬悉京畿水災過重聞之惻惻已行財政廳先墊現金壹萬元由蔚豐銀行滙裨濟用一面籌捐歸欵此項銀兩究交何處驗收請核覆照辦新疆省長兼督軍楊增新勒印

福建李督軍來電

北京京兆尹王鑒號電敬悉京畿水災民生凋困深爲系念閩省近亦因風雨爲災各屬紛請賑恤更兼直奉魯蜀等省同時電請助賑值此公私經濟均在困乏籌募甚難承電謹竭棉薄先滙大洋二百元餘俟彙齊各省分募另寄尊處捐冊請無庸寄閩厚基豔印